

水

Great Learning
大學章句

Credits

Great Learning 大學章句

Downloaded in HTML format from
<http://sangle.web.wesleyan.edu/etext/pre-qin/daxue.html>

Converted by
webmaster@ishwar.com

For more sacred texts, visit:
www.ishwar.com

Table of Contents

Part 1 大學章句	4
Part 2 第一章	5
Part 3 第二章	6
Part 4 第三章	7
Part 5 第四章	8
Part 6 第五章	9
Part 7 第六章	10
Part 8 第七章	11
Part 9 第八章	12
Part 10 第九章	13
Part 11 第十章	14

Part 1 大學章句

子程子曰：「大學孔氏之遺書。而初學入德之門也。於今可見古人爲學次第者，獨賴此篇之存，而論孟次之。學者必由是而學焉，則庶乎其不差矣。」

『1』

大學之道在明明德，在親民，在止於至善。

『2』

知止而后有定；定而后能靜；靜而后能安；安而后能慮；慮而后能得。

『3』

物有本末；事有終始。知所先後則近道矣。

『4』

古之欲明明德於天下者先治其國。欲治其國者先齊其家。欲齊其家者先脩其身。
欲脩其身者先正其心。欲正奇心者先誠其意。欲誠其意者先致其知。致知在格物
。

『5』

物格而后知至。知至而后意誠。意誠而后心正。心正而后身脩。身脩而后家齊。
家齊而后國治。國治而后天下平。

『6』

自天子以至於庶人臺是皆以脩身爲本。

『7』

其本亂而未治者，否矣。其所厚者薄而其所薄者厚，未之有也。

右經一章，蓋孔子之言，而曾子述之；其傳十章，則曾子之意，而門人記之也。
舊本頗有錯簡，今因程子所定，而更考經文，別爲序次如左。

Part 2 第一章

『1』

康誥曰，「克明德。」

『2』

大甲曰，「顧諟天之明命。」

『3』

帝典曰：「克明峻德。」

『4』

皆自明也。

右傳之首章，釋明明德。

Part 3 第二章

『1』

湯之盤銘曰：「苟日新，日日新，又日新。」

『2』

康誥曰，「作新民。」

『3』

詩曰：「周雖舊邦，其命維新。」

『4』

是故君子無所不用其極。

右傳之二章，釋新民。

Part 4 第三章

『1』

詩云，「邦畿千里，惟民所止。」

『2』

詩云，「緝饗黃鳥，止于丘隅。」子曰：「於止，知其所止，可以人而不如鳥乎？」

『3』

詩云，「穆穆文王，於緝熙敬止。」爲人君，止於仁；爲人臣，止於敬；爲人子，止於孝；爲人父，止於慈；與國人交，止於信。

『4』

詩云，「瞻彼淇澳，菉竹猗猗。有斐君子。如切如磋，如琢如磨。瑟兮僩兮，赫兮喧兮。有斐君子，終不可誼兮。」「如切如磋」者，道學也；「如琢如磨」者，自脩也；「瑟兮僩兮」者，恂慄也；「赫兮喧兮」者，威儀也；「有斐君子，終不可誼兮」者，道盛德至善，民之不能忘也。

『5』

詩云，「於戲前王不忘！」君子賢其賢，而親其親。小人樂其樂，而利其利。此以沒世不忘也。

右傳之三章，釋止於至善。

Part 5 第四章

子曰：「聽訟，吾猶人也。必也，使無訟乎？」無情者，不得盡其辭，大畏民志。此謂知本。

右傳之四章，釋本末。

Part 6 第五章

『1』

此謂知本。

『2』

此謂知之至也。

右傳之五章，蓋釋格物致知之義，而今亡矣。閒嘗竊取程子之意，以補之曰：「所謂致知在格物者：言欲至吾之知，在即物，而窮其理也，蓋人心之靈，莫不有知，而天下之物，莫不有理。惟於理有未窮，故其知有不盡也。是以大學始教，必使學者即凡天下之物。莫不因其已知之理，而益窮之，以求至乎其極。至於用力之久，而一旦豁然貫通焉。則眾物之表裡精粗，無不到，而吾心之全體大用，無不明矣。此謂物格。此謂知之至也。」

Part 7 第六章

『1』

所謂誠其意者：毋自欺也，如惡惡臭，如好好色。此之謂自謙。故君子必慎其獨也。

『2』

小人閒居爲不善，無所不至，見君子，而后厭然。揜其不善，而著其善。人之視己，如見其肺肝然，則何益矣。此謂誠於中，形於外。故君子必慎其獨也。

『3』

曾子曰，「十目所視，十手所指，其嚴乎。」

『4』

富潤屋，德潤身。心廣，體胖。故君子必誠其意。

右傳之六章，釋誠意。

Part 8 第七章

『1』

所謂脩身在正其心者：身有所忿懥，則不得其正。有所恐懼，則不得其正。有所好樂，則不得其正。有所憂患，則不得其正。

『2』

心不在焉，視而不見，聽而不聞，食而不知其味。

『3』

此謂脩身在正其心。

右傳之七章，釋正心脩身。

Part 9 第八章

『1』

所謂齊其家在脩其身者：人之其所親愛，而辟焉。之其所賤惡，而辟焉。之其所畏敬，而辟焉。之其所哀矜，而辟焉。之其所敖惰，而辟焉。故好而知其惡，惡而知其美者，天下鮮矣。

『2』

故諺有之曰，「人莫知其子之惡，莫知其苗之碩。」

『3』

此謂身不脩，不可以齊其家。

右傳之八章，釋脩身齊家。

Part 10 第九章

『1』

所謂治國必先齊其家者：其家不可教，而能教人者，無之。故君子不出家，而成教於國。孝者，所以事君也；弟者，所以事長也；慈者，所以使眾也。

『2』

康誥曰，「如保赤子，心誠求之。」雖不中、不遠矣，未有學養子，而后嫁者也。

『3』

一家仁，一國興仁；一家讓，一國興讓；一人貪戾，一國作亂。其機如此，此謂一言僨事，一人定國。

『4』

堯舜帥天下以仁，而民從之。桀紂帥天下以暴，而民從之。其所令反其所好，而民不從。是故君子，有諸己，而后求諸人。無諸己，而后非諸人。所藏乎身不怒而能喻諸人者，未之有也。

『5』

故治國在齊其家。

『6』

詩云，「桃之夭夭，其葉蓁蓁，之子于歸，宜其家人。」宜其家人，而后可以教國人。

『7』

詩云，「宜兄宜弟。」宜兄宜弟，而后可以教國人。

『8』

詩云，「其儀不忒，正是四國。」其爲父子兄弟足法，而后民法之也。

『9』

此謂治國，在齊其家。

右傳之九章，釋齊家治國。

Part 11 第十章

『1』

所謂平天下在治其國者：上老老，而民興孝；上長長，而民興弟；上恤孤，而民不倍。是以君子有絜矩之道也。

『2』

所惡於上，毋以使下。所惡於下，毋以事上。所惡於前，毋以先後。所惡於後，毋以從前。所惡於右，毋以交於左。所惡於左，毋以交於右。此之謂絜矩之道。

『3』

詩云：「樂只君子，民之父母。」民之所好好之；民之所惡惡之。此之謂民之父母。

『4』

詩云：「節彼南山，維石巖巖。赫赫師尹，民具爾瞻。」有國者不可以不慎。辟則爲天下謬矣。

『5』

詩云，「殷之未喪師，克配上帝。儀監于殷，峻命不易。」道德眾，則得國；失眾，則失國。

『6』

是故君子先慎乎德。有德，此有人；有人，此有土；有土，此有財；有財，此有用。

『7』

德者本也。財者末也。

『8』

外本內末，爭民施奪。

『9』

是故財聚，則民散。財散，則民聚。

『10』

是故言悖而出者亦悖而入；貨悖而入者亦悖而出。

『11』

康誥曰，「惟命不于常。」道善則得之，不善則失之矣。

『12』

楚書曰，「楚國無以爲寶；惟善以爲寶。」

『13』

舅犯曰，「亡人，無以爲寶；仁親以爲寶。」

『14』

秦晳曰，「若有一個臣，斷斷兮，無他技，其心休休焉，其如有容焉，人之有技，若已有之，人之彥聖，其心好之，不啻若自其口出，實能容之：以能保我子孫黎民，尚亦有利哉。人之有技妬疾以惡之，人之彥聖而違之，俾不通，實不能容：以不能保我子孫黎民，亦曰殆哉。」

『15』

唯仁人，放流之，逰諸四夷，不與同中國。此謂唯仁人，爲能愛人，能惡人。

『16』

見賢而不能舉，舉而不能先，命也。見不善而不能退，退而不能遠，過也。

『17』

好人之所惡，惡人之所好：是謂拂人之性。畜必逮夫身。

『18』

是故君子，有大道必忠信以得之；驕泰以失之。

『19』

生財有大道，生之者眾，食之者寡。爲之者疾，用之者舒。則財恆足矣。

『20』

仁者，以財發身。不仁者，以身發財。

『21』

未有上好仁，而下不好義者也。未有好義其事不終者也。未有府庫財，非其財者也。

『22』

孟獻子曰，「畜馬乘，不察於雞豚。伐冰之家不畜牛羊。百乘之家不畜聚斂之臣，與其有聚斂之臣。U + 5 B D 5 有盜臣。此謂國不以利爲利，以義爲利也。」

『23』

長國家而務財用者，必自小人矣。彼爲善之，小人之使爲國家，蓄害U + 7 A D D至，雖有善者，亦無如之何矣。此謂國不以利爲利，以義爲利也。

右傳之十章，釋治國平天下。

（凡傳十章：前四章統論綱領指趣；後六章細論條目工夫。其第五章乃明善之要。第六章乃誠身之本，在初學；尤爲當務之急。讀者不可以其近而忽之也。）